



UNIVERSITÄTS-
BIBLIOTHEK
PADERBORN

**Cogitationes, Sive Considerationes Christianae Pro
singulis Anni diebus**

Complectens Januarium, Februarium, Martium

Nepveu, François

Monachii, 1709

Dies 1. De fide.

[urn:nbn:de:hbz:466:1-60495](#)

Februarius.



CONSIDERATIONES CHRISTIANÆ.

Pro Singulis Anni diebus.

FEBRUARIUS.
DIES I.
De Fide.

I.

Ides nostra DEUM summopere honorat. Hæc est cultus perfectissimus, quem huic supremæ veritati homo præstare potest. DEUS summa pollet libertate, & suprema jurisdictione, eaque universaliter, & absoluta. Melius ergo honorare eum non possumus, quam submissione absoluta, & universalis. Ipse est Lex suprema, suprema sapientia, suprema veritas. Supremam hanc legem dignè honoramus, si voluntatem nostram ei submittimus illis etiam in rebus, quæ propensioni nostræ adversantur ; si amamus id, quod non amore, sed potius odio dignum est ; uti est inimicus noster. Supremam hanc sapientiam dignè honora-

mus,

mus, cùm ejus directioni nos subijcimus, Februarius.
etiam tunc, cùm eam non comprehendimus; tunc etiam, cùm propensioni, vel
utilitati nostræ repugnare videtur; per-
suasumque nobis habemus, alia negotia
nobis curanda non incumbere, nisi ea, quæ
DEI sunt. Supremam hanc veritatem
dignè honoramus, si credimus id, quod sensus
nostræ non percipiunt, id, quod ratio
nostra non capit; imò id, quod contrarium
est ei, quod sensus, & rationis nostræ lumina
nobis proponunt. Quàm digna DEO est
hæc submissio; an hac ratione DEO te
subijcis? Quàm dignum perfecto Chri-
stiano est hoc sacrificium! An id immolas?
Et quidem nullo admisso dubio, nulla ex-
ceptione? Dubitare non est credere; vel
unicum articulum excipere, est omnes
alios reijcere.

II. Fides nostra summopere nos hono-
rat, illa enim, dum honorem DEO habet,
non mediocrem etiam nobis offert. Illa
nos deprimendo elevat, illa nos excæcan-
do illuminat: Illa nos suijciendo, à subje-
ctione liberat, idcirco, quod è captivitate
sensuum nostrorum nos eximat. Fides
quodammodo consecrat intellectum homi-
nis per cultum, quem DEO præstandum
suadet. Illa eum infinite perspica-

Februarius. cem reddit, dū eum divinæ Sapientiæ unit. Illa eum reddit inconcussū, dum eum cogit divina niti authoritate : Illa facit, ut decipi non possit, dum supremæ eum veritati affigit: Illa ei communicat & lumina & certitudinem DEI ; illa ex ipsius DEI lumine de rebus judicium fert. Si firma fide credo veritates, quas Deus mihi revelat, particeps sum certitudinis, quam Deus habet. Et quod consequens est, æquè parùm decipi, ac ipse Deus, possum. Quantum animi robur, quantam sublimitatem, quantam gloriam mihi fides non impertit ; & ad quantum imbecillitatem, & vilitatem non redundunt iij, qui ab ea se dirigi non finunt?

III. Fidem nostram honorare debemus, vitam ei consonam agendo : ánne hoc facimus ? Credere Deum infinitè magnum, & ei non servire ? infinitè bonum, & eum non amare ? infinitè justum, & eum non timere ? quā hæc inter se conveniunt ? Credere, quòd id, quod magnum est coram hominibus, abominandum sit coram DEO, & ad hanc magnitudinem aspirare ? Credere, quòd Christus Dominus maledictionem vibret in divites & voluptuosos, & divitijs, ac voluptatibus ardenter inhiare ? credere, quòd Christus felicitatem suam constituat in paupertate, & pœnitentiæ la-

cry-

crymis, & eas cum horrore fugere? credere, Februarius
quòd non perveniat in cælum, nisi per
humilitatem, & semper altius tendere vel-
le? credere, quòd ut Christiani simus, neceſ-
sarium sit carnem nostram crucifigere;
neque tamen aliud cogitare, nisi de modo
eidem blandiendi? credere, quòd violentia
opus sit ad salutem æternam consequen-
dam, & nulla in re violentiam sibi adhi-
bere velle? an hæc omnia inter se conve-
niunt? Aut fidem, aut vitam muta. Has
veritates non credere, est à fide Christiana
alienum esse; eas credere, & vivere, tan-
quam eas non crederemus, est insanire: His
perpensis, quære ex temetipso, num à fide
Christianæ alienus, an verò fatuus sis? *Qui*
non credit, inquit Servator, *jam judicatus est*:
Sed, qui credit, & vivit, quasi non crederet,
severius punietur. Si fides tua ad bonam
frugem te non ducit, te condemnabit.

*Compara fidem tuam cum vita tua, quanta eæ
tibi confusionis erit materia? Sed in hac sola con-
fusione ne hæreas. statue vitam tuam fidei tue
accommodare, nisi velis, ut ea te condemnnet.*

Ostendam ex operibus fidem meam. *Ja-
cob. 2. v. 18.*

Imposturæ genus est aliud agere, & aliud
profiteri. *Ambr.*

G 3

DIES